

# CYNGOR SIR YNYS MÔN

PWYLLGOR :	PWYLLGOR ARCHWILIO
DYDDIAD :	23 GORFFENNAF 2013
TEITL YR ADRODDIAD :	ADRODDIAD BLYNYDDOL ARCHWILIO MEWNOL 2012/2013
PWRPAS YR ADRODDIAD:	ER GWYBODAETH
ADRODDIAD GAN :	RHEOLWR ARCHWILIO
GWEITHREDU:	DIM

## 1. RHAGARWEINIAD

1.1 Mae'r adroddiad yma yn crynhoi gwaith yr Adain Archwilio Mewnol ar gyfer 2012/2013. Mae'r Rheolwr Archwilio'n adrodd ar gynnydd yn rheolaidd yn ystod y flwyddyn i'r Pwyllgor Archwilio sy'n caniatáu ar gyfer gwerthuso'r fframwaith rheoli mewnol yn barhaus fel yr adlewyrchir hynny yn y gwaith archwilio.

## 2. ALLBYNNAU A GYNHYRCHWYD YN YSTOD Y FLWYDDYN

2.1 Mae'r tabl isod yn dangos cymhariaeth rhwng y nifer o archwiliadau a gynlluniwyd gyda'r nifer gwirioneddol o archwiliadau a wnaed. Fel yn unrhyw flwyddyn, yn 2012/13 bu'n rhaid diwygio'r cynllun archwilio i gymryd nifer o wahanol ffactorau i ystyriaeth trwy gydol y flwyddyn. Unwaith yn rhagor y flwyddyn hon, roedd y ffactorau'n ymwneud yn bennaf â gwaith ychwanegol oedd ei angen i gyfarfod â risgiau oedd yn dod i'r amlwg a chyfeiriadau. Treuliwyd llawer iawn o amser ac adnoddau ar un cyfeiriad penodol yn y cyfnod hwn ac fe gymerodd 50% o'r amser a raglennwyd ar gyfer y Cynllun i un Archwiliwr.

### Dadansoddiad o Waith Archwilio a Gynlluniwyd/a Wnaed yn Ystod 2012/2013

Statws yr Adroddiad	Rhif Gwreiddiol a Gynlluniwyd	Adroddiadau a Gyhoeddwyd 2012-13	Adroddiadau arall a gyhoeddwyd
<b>2012-13</b>			
Terfynol	63	33	13
Drafft		5	0
Agos at ddrafft		7	0
<b>2011/12</b>			
Terfynol		2	
<b>CYFANSWM</b>	<b>63</b>	<b>47</b>	<b>13</b>






2.2 Cynhaliwyd 60 o adolygiadau (Terfynol a Drafft / agos at ddrafft) yn ystod 2012/13, o gymharu â 61 yn y flwyddyn flaenorol. Mae'r cyfanswm, felly, yn debyg i 2011/12. Mae'r ffigwr hwn yn cynnwys 13 o adroddiadau terfynol ychwanegol a gyhoeddwyd yn 2012/13 na chawsant eu cynllunio'n wreiddiol ar gyfer y cyfnod hwn ond roedd eu hangen i ddibenion risg a/neu gydymffurfiaeth neu o ganlyniad i waith sy'n ymwneud â chyfeiriadau.

2.3 Roedd y 13 o adolygiadau ychwanegol yn disodli'n rhannol yr adolygiadau yng Nghynllun Gweithredol 2012/13 na chychwynnwyd arnynt yn y cyfnod. O'r adolygiadau na chychwynnwyd arnynt: gohiriwyd 6 oherwydd sicrwydd a roddwyd gan ddarparwyr sicrwydd trydydd parti eraill neu oherwydd eu lefel perthnasedd o gymharu â meysydd archwilio eraill sy'n achosi pryder. Ni wnaed cynnydd mewn chwe maes arall fel y rhagwelwyd yn ystod y cyfnod ac, felly, gohiriwyd gwaith yn 2012/13. Mewn pedwar maes arall, roeddem wedi gobeithio defnyddio'r Gofrestr Risg Gorfforaethol fel sail ar gyfer ein gwaith ond wedi methu â gwneud hynny oherwydd ei statws yn ystod 2012/13. Gohiriwyd yr 11 o adolygiadau eraill oherwydd y baich gwaith ychwanegol yn y flwyddyn ac mae'r cyfan o'r rhain wedi eu dwyn ymlaen i'w cynnwys yng Nghynllun Gweithredu'r Adain Archwilio Mewnol ar gyfer 2013/14.

- 2.4** Cwblhawyd yr holl adolygiadau ariannol allweddol ar ffurf derfynol neu ffurf ddrafft ac fe'u hanfonwyd at yr Archwiliwr Allanol ym Mawrth 2013.
- 2.5** Er bod cynlluniau i wneud gwaith mewn blynyddoedd unigol yn y cynlluniau strategol a'r cynlluniau blynyddol, mae yna beth gwaith unigol sy'n cario drosodd o un flwyddyn i'r llall yn arbennig yr archwiliadau mwy neu archwiliadau sy'n dechrau'n agos at ddiwedd y flwyddyn ariannol. Caiff hyn ei adlewyrchu yn y ffaith bod pump adroddiad drafft yn disgwyl eu cwblhau ar ddiwedd y cyfnod a saith adolygiad arall oedd yn parhau yn waith ar y gweill. Bydd yr adolygiadau hyn yn cael eu cwblhau yn chwarter cyntaf 2013/14.

### 3. DANGOSYDDION PERFFORMIAD

- 3.1** Bob blwyddyn bydd Gwasanaeth Archwilio Mewnol y Cyngor yn cymryd rhan mewn meincnodi Cymru gyfan yn erbyn dangosyddion sy'n ymwneud â chost ac allbwn. Fe wneir y gwaith meincnodi hwn ym mis Mai / Mehefin ym mhob blwyddyn ac, felly, nid oedd y canlyniadau ar gyfer 2012/13 ar gael mewn pryd i'w cynnwys yn yr adroddiad blynyddol hwn.
- 3.2** Pan gaiff y canlyniadau eu cyhoeddi byddant yn cael eu cyflwyno yn yr adroddiad cynnydd Archwilio Mewnol nesaf wedi hynny.
- 3.3** Byddwn yn adrodd yn ôl i bob Pwyllgor Archwilio am Berfformiad y Gwasanaeth Archwilio Mewnol yn erbyn y targedau mewnol fel rhan o'r Adroddiad Cynnydd Archwilio Mewnol. Am y cyfnod o 1 Ebrill 2012 i 31 Mawrth 2013 roedd y perfformiad yn erbyn y targedau mewnol fel a ganlyn:

Mesur Perfformiad	Targed 2012/13	Gwirioneddol ar gyfer y cyfnod*	Statws Targed
% o'r cynllun archwilio ar gyfer 2012/13 a gwblhawyd hyd at adroddiad drafft yn y flwyddyn (63 o adolygiadau yn y cynllun gwreiddiol - 4 ohonynt wedi eu tynnu o'r cynllun oherwydd nad oedd eu hangen/nad oedd modd eu cyflawni yn ystod y flwyddyn - gan adael 59 o adolygiadau posib).  Perfformiad: 5 wedi eu paratoi hyd at adroddiad ddrafft; 33 o rai Terfynol a saith lle roedd gwaith yn mynd rhagddo ac a oedd bron yn barod ar gyfer adroddiad drafft o 2012/13 a 3 o adolygiadau eraill o gyfeiriadau - Cyfanswm = 48 o adolygiadau wedi eu cwblhau i raddau sylweddol.	90%	81%	
Lefelau bodddhad cyffredinol y cwsmer yn seiliedig ar holiaduron.	90%	100%	
% o'r holl argymhellion Archwilio Mewnol Uchel a Chanolig a weithredwyd - o 01/04/10 fel yr oedd ar 03/04/13.	80%	53%	
Nifer yr adolygiadau cynlluniedig o Feysydd Risg Corfforaethol Uchel a nodwyd.  *ON: Roedd statws y Gofrestr Risg Gorfforaethol a'r cynnydd a wnaed gyda hi yn golygu nad oedd modd cynnal nifer o'r adolygiadau hyn yn y cyfnod	8	2*	
Cynnal dwy sesiwn hyfforddi ar gyfer y Pwyllgor Archwilio yn y cyfnod.	2	2	

**3.4** Mae'r ganran o argymhellion Uchel a Chanolig a weithredwyd yn is na'r targed, sef 53%; fodd bynnag, mae'r ganran o argymhellion lefel Uchel a weithredwyd yn uwch, sef 74%. Bydd yr Adain Archwilio Mewnol yn adolygu'r argymhellion sydd ar ôl ym mis Ebrill 2013 ac yn 2013/14 bydd yn gweithio eto gyda'r Gwasanaethau i ddiweddarau'r system 4Action gyda'r data gweithredu mwyaf cyfredol a gobeithir y bydd hynny'n dangos gwelliant yn erbyn y targed.

#### 4. CASGLIADAU CYFFREDINOL AR Y MEYSYDD A ARCHWILIWYD

**4.1** Mae tabl 1 yn dangos nifer yr adolygiadau a wnaed yn 2012/13 lle rhoddwyd barn Gwyrdd; Gwyrdd/Ambr; Coch/Ambr neu Goch. Mae'n cynnwys y diffiniad ar gyfer pob lefel sicrwydd. Mae'r tabl hefyd yn cynnwys nifer yr adolygiadau cyfeirio/cynghori a gynhaliwyd.

**Tabl 1**

<b>Graddfa CAG</b>	<b>Beth yw ystyr y Barn Graddfa CAG</b>	<b>System/ Risg 2012/13</b>	<b>Ysgolion 2012/13</b>
<b>Gwyrdd</b>	Ar ôl ystyried y materion a nodwyd, gall yr Awdurdod gymryd sicrwydd rhesymol bod y rheolaethau y mae'r Cyngor yn dibynnu arnynt i reoli'r risg hon wedi'u dylunio'n addas ac yn cael eu defnyddio'n gyson ac effeithiol.	6	0
<b>Gwyrdd Ambr</b>	Ar ôl ystyried y materion a nodwyd, gall yr Awdurdod gymryd sicrwydd rhesymol bod y rheolaethau y mae'r Cyngor yn dibynnu arnynt i reoli'r risg hon wedi'u dylunio'n addas ac yn cael eu defnyddio'n gyson ac effeithiol.  Fodd bynnag, rydym wedi canfod rhai pethau fydd, oni chânt sylw, yn ychwanegu at y tebygrwydd y bydd y risg yn troi'n ddigwyddiad.	6	3
<b>Coch Ambr</b>	Ar ôl ystyried y materion a nodwyd, gall yr Awdurdod gymryd rhywfaint o sicrwydd bod y rheolaethau y mae'r Cyngor yn dibynnu arnynt i reoli'r risg hon wedi'u dylunio'n addas, yn cael eu defnyddio'n gyson ac effeithiol. Angen cymryd camau i reoli'r risg.	2	0
<b>Coch</b>	Ar ôl ystyried y materion a nodwyd, ni all yr Awdurdod gymryd sicrwydd bod y rheolaethau y mae'r Cyngor yn dibynnu arnynt i reoli'r risg hon wedi'u dylunio'n addas nac yn cael eu defnyddio'n gyson ac effeithiol.  Angen cymryd camau i reoli'r risg.	3	0
<b>Ymgynghorol/ Cyfeirio</b>	Adolygiad ymghorol a dylunwyd i ddarparu cyngor ymarfer gorau – Dim barn ffurfiol.	13	0
<b>Cyfanswm</b>		<b>30</b>	<b>3</b>

**4.2** Mae'r graddau cyffredinol yn seiliedig ar yr holl waith a wnaed fel a ganlyn:

- Cyfartaledd o 'Wyrdd Ambr' ar gyfer yr adolygiadau system/risg am 2012/13 sydd, er yn sicrwydd bositif, yn is na'r radd gyffredinol o 'Wyrdd' yn 2011/12; a
- Cyfartaledd o 'Wyrdd Ambr' ar gyfer adolygiadau ysgolion am 2012/13 sydd eto'n is na'r radd gyffredinol o 'Wyrdd' yn 2011/12.

**4.3** Mae'r ddwy farn archwilio 'Gwyrdd Ambr' ar gyfer systemau ac ysgolion yn arwydd mai risg fechan/isel sydd i'r Awdurdod, yn seiliedig â'r sgôp y gwaith a wnaed, y camau a argymhellwyd i reolwyr yn cael eu gweithredu a'r systemau hynny yn parhau i weithredu fel y bwriadwyd.

**4.4** Mae'r Rheolwr Archwilio, fodd bynnag yn ymwybodol o feysydd lle y byddai gwendidau sylweddol mewn rheolaeth yn rhwystro'r Cyngor rhag gallu dibynnu'n rhesymol ar y systemau rheoli mewnol yng nghyswllt y systemau a adolygwyd yn ystod y flwyddyn. Y meysydd hyn oedd:

- **Parhad Busnes** – Mae camau a argymhellwyd i gryfhau rheolaeth yn y maes hwn wedi eu casglu ynghyd o nifer o adroddiadau gan ddarparwyr sicrwydd, gan gynnwys yr Adain Archwilio Mewnol. Maent wedi eu cynnwys mewn Cynllun Gweithredu Corfforaethol ar gyfer Rheoli Gwybodaeth. Sefydlwyd Grŵp Prosiect ym Medi 2012 i benderfynu'r ffordd orau o weithredu'r camau a argymhellwyd. Ar ddiwedd 2012/13 roedd gwaith y Grŵp Prosiect yn parhau. Mae'r Cyngor yn parhau i fod heb Bolisi Adfer TGCh ar ôl Trychineb ac roedd gwaith yn parhau i gael ei wneud ar ddiwedd y cyfnod i gwblhau trefniadau parhad busnes y Cyngor.
- **Rheoli Risg** – Mae'r Cyngor wrthi'n datblygu ei Fframwaith Rheoli Risg ac, ym mis Medi 2012, argymhellodd y Pwyllgor Archwilio y dylai'r Pwyllgor Gwaith fabwysiadu fersiwn ddrafft y Strategaeth Rheoli Risg a'r canllawiau drafft. Mabwysiadwyd y strategaeth a'r canllawiau felly gan y Pwyllgor Gwaith yn y cyfarfod ar 15 Hydref 2012. Yn ystod y cyfnod hefyd, cafwyd sesiwn hyfforddi ar y cyd ar faterion rheoli risg rhwng y Pwyllgor Archwilio a'r Pwyllgor Sgriwtini. Hyd yma, nid yw'r Gweithgor Rheoli Risg wedi ystyried risgiau newydd ac esblygol nac wedi adolygu'r cofrestrau risg sydd gan y gwasanaethau unigol.

Mae gwaith wedi cael ei wneud ar y Gofrestr Risg Gorfforaethol ond ar ddiwedd y cyfnod nid oedd camau lliniaru wedi eu cofnodi yn y Gofrestr Risg Corfforaethol ac nid oedd ynddi sgorau risg gweddilliol chwaith. Roedd trafodaethau'n parhau o ran adrodd ar y Gofrestr Risg Gorfforaethol pan fydd honno mewn ffurf sy'n fwy cyflawn.

- **Llywodraethu** - Nodwyd materion diffyg cydymffurfiaeth gyda gweithdrefnau a pholisïau corfforaethol allweddol unwaith eto yn 2012/13, er enghraifft mewn perthynas â chaffael corfforaethol. Gwelwyd hefyd mai defnydd cyfyngedig a wneir o system y Cyngor ar gyfer cymeradwyo polisïau'n electronig i ddangos bod pobl wedi darllen, deall a chytuno i lynu wrth bolisïau. Heb gofnod o'r fath, mae'n anos dangos bod y polisïau wedi eu cylchredeg yn ddigonol i'r staff perthnasol. Cyhoeddwyd adroddiad ar y materion hyn yn 2011/12, ond mae nifer o argymhellion allweddol yn parhau i fod heb eu gweithredu ar ddiwedd 2012/13.

Mae cydymffurfio gyda pholisïau a gweithdrefnau yn elfen allweddol o fframwaith Llywodraethu'r Cyngor. Mae methiant i sicrhau bod staff yn ymwybodol o'r polisïau a gweithdrefnau o'r fath yn golygu bod mwy o risg na fyddir yn cydymffurfio â nhw.

- **Rheoli Gwybodaeth** – adroddwyd ar adolygiad o drefniadau Rheoli Gwybodaeth y Cyngor ym mis Mehefin 2012 a daethpwyd i'r casgliad bod trefniadau cyfredol y Cyngor ar gyfer rheoli ei wybodaeth yn wan ac yn cyfyngu ar allu'r Cyngor i wella. Cynhaliodd yr Adain Archwilio Mewnol dri adolygiad yn 2012/13 ym meysydd Rheoli Cofnodi Modern, Diogelwch Data a Pharhad Busnes ac adroddwyd ar wendidau sylweddol yn y meysydd hyn. Fel sydd wedi ei nodi uchod, dan y maes Parhad Busnes, roedd y gwendidau hyn wrthi'n cael sylw ar ddiwedd y cyfnod gan Grŵp Prosiect a sefydlwyd i'r pwrpas. Yn ystod 2012/13, cafwyd rhagor o achosion o dorri'r Ddeddf Diogelu Data ac adroddwyd ar nifer ohonynt i'r Swyddfa Comisiynydd Gwybodaeth. Mae Rheoli

Gwybodaeth, felly, yn parhau i fod yn risg i'r Awdurdod o ran ei enw da ac yn ariannol oherwydd y posibilrwydd o gael dirwyon sylweddol.

Ystyrir bod y rhain yn faterion pwysig i'r Cyngor a bod angen parhau i weithio arnynt i roi sylw iddynt yn 2013/14.

- 4.5** Dylid nodi na all unrhyw system o reolau mewnol ond darparu sicrwydd rhesymol, ond nid absoliwt, yn erbyn camddatganiadau pwysig neu golled.

Ni wnaeth y gwaith archwilio a wnaed ac a gwblhawyd nodi unrhyw feysydd arall o bryder sy'n cael eu hystyried yn rhai arwyddocaol neu yn gritigol o safbwynt busnes y Cyngor yn gyffredinol y tu hwnt i'r rhai a nodwyd yn 4.4 uchod.

## **5. DATGANIAD AR REOLAETH FEWNOL**

- 5.1** Bydd canlyniad yr holl adroddiadau Archwilio Mewnol a gwblhawyd yn cael eu hadrodd yn ôl i'r Pwyllgor Archwilio trwy adroddiadau Cynnydd Archwilio Mewnol chwarterol y Rheolwr Archwilio. Adroddir ar unrhyw adolygiad system fydd yn derbyn barn sicrwydd Coch mewn manylder i'r Pwyllgor Archwilio.
- 5.2** Cyflwynwyd tri adroddiad o'r fath i'r Pwyllgor Archwilio yn 2012/13. Roedd yr adolygiadau hyn yn ymwneud â Pharhad Busnes, Diogelwch Data a Rheoli Cofnodion Modern. Mae'r argymhellion o bob un o'r adroddiadau hyn wedi eu cynnwys yn y Cynllun Gweithredu ar gyfer Rheoli Gwybodaeth Gorfforaethol y cyfeirir ato ym mharagraff 4.6 uchod dan Parhad Busnes.

## Adroddiadau Cyhoeddwyd yn erbyn Cynllun 2012/13

## Atodiad A

Teitl yr Adolygiad	Maes Gwasanaeth	Blwyddyn y Cynllun AM	Statws	Barn CAG
<b>Adolygiadau yn seiliedig ar Risg / Systemau</b>		<b>2011-12</b>		
Rhenti Unedau Diwydiannol	Eiddo	2011/12	TERFYNOL	GWYRDD/AMBR

<b>Ysgolion</b>		<b>2011-12</b>		
Ysgol Llanfechell	Addysg	2011/12	TERFYNOL	GWYRDD/AMBR

Teitl yr Adolygiad	Maes Gwasanaeth	Blwyddyn y Cynllun AM	Statws	Barn CAG
Adroddiad ar Asedau Sefydlog	Cyllid	2012/13	TERFYNOL	Gwriad
Dilyn Argymhellion Lefel Uchel i fyny	Corfforaethol	2012/13	TERFYNOL	Cynnydd rhesymol
Llywodraethu Gwybodaeth – dilyn i fyny	Corfforaethol	2012/13	TERFYNOL	Ychydig o Gynnydd
Rhybuddion Dirwy	Cyllid	2012/13	TERFYNOL	YMGYNGHOROL
Pryd ar Glud	Uned Ddarparu	2012/13	TERFYNOL	COCH/AMBR
Brecwast am ddim LIC	Addysg	2012/13	TERFYNOL	GWYRDD
Cytundebau Canlyniadau – Eiddo	Eiddo	2012/13	TERFYNOL	GWYRDD
Ffioedd Allsirol	Gwas. Cym	2012/13	TERFYNOL	YMGYNGHOROL
Parhad Busnes	TGCh/Cynllunio	2012/13	TERFYNOL	COCH
Diogelwch Data	TGCh/Cyfreithiol	2012/13	TERFYNOL	COCH
Oriel Ynys Môn	Hamdden	2012/13	TERFYNOL	GWYRDD/AMBR
Rheoli Cofnodion Modern	Addysg Gydol Oes	2012/13	TERFYNOL	COCH
Caffael – UCA	Tai	2012/13	TERFYNOL	YMGYNGHOROL
Targedau Carbon ac Effeithlonrwydd Ynni	Eiddo	2012/12	TERFYNOL	GWYRDD
Dilyn i fyny – Argymhellion Ysgol	Addysg	2012/13	TERFYNOL	Ychydig o gynnydd
Caffael Corfforaethol	Corfforaethol	2012/13	TERFYNOL	YMGYNGHOROL
Taliadau Uniongyrchol – Gwas. Cym	Gwas. Cym	2012/13	TERFYNOL	COCH/AMSER
Adolygiad Thematig o Ysgolion	Addysg	2012/13	TERFYNOL	YMGYNGHOROL
Cynllun Atal Twyll Cenedlaethol	Corfforaethol	2012/13	TERFYNOL	GWYRDD/AMBR
Gosod a Monitro'r Gyllideb	Corfforaethol	2012/13	TERFYNOL	COCH/AMBR
Trafnidiaeth Cyhoeddus	Trafnidiaeth	2012/13	TERFYNOL	GWYRDD/AMBR
Incwm o Feysydd Parcio	Priffyrdd	2012/13	TERFYNOL	GWYRDD
Y Dreth Gyngor	Cyllid	2012/13	TERFYNOL	GWYRDD/AMBR
Trethi Cenedlaethol Annomestig	Cyllid	2012/13	TERFYNOL	GWYRDD/AMBR
Budd-dal Tai	Cyllid	2012/13	TERFYNOL	GWYRDD/AMBR
Mân-ddyledwyr	Cyllid	2012/13	TERFYNOL	GWYRDD/AMBR
Credydwyr	Cyllid	2012/13	TERFYNOL	GWYRDD
Rheoli'r Trysorlys	Cyllid	2012/13	TERFYNOL	GWYRDD
Cyllid Myfyrwyr	Addysg	2012/13	TERFYNOL	YMGYNGHOROL
Cydymffurfiaeth Ffeiliau Achos	Gwas. Cym.	2012/13	TERFYNOL	YMGYNGHOROL
Lwfansau Aelodau	Corfforaethol	2012/13	DRAFFT	DILYN I FYNY
Cyflogau a Goramser	Cyllid	2012/13	DRAFFT	GWYRDD/AMBR
System Gyfrifo	Cyllid	2012/13	DRAFFT	GWYRDD
Derbyn Arian	Cyllid	2012/13	DRAFFT	GWYRDD
Rhenti Tai	Tai	2012/13	DRAFFT	COCH/AMBR
Arforol – Incwm	Priffyrdd	2012/13	YN MYND RHAGDDO	D/B
Gweithredu Civica	Cyllid	2012/13	YN MYND RHAGDDO	D/B

<b>Ysgolion</b>				
Ysgol Y Bont	Addysg	2012/13	TERFYNOL	GWYRDD/AMBR
Ysgol Rhosybol	Addysg	2012/13	TERFYNOL	GWYRDD/AMBR
Ysgol Bodffordd	Addysg	2012/13	TERFYNOL	GWYRDD/AMBR
Ysgol David Hughes	Addysg	2012/13	YN MYND RHAGDDO	D/B
Ysgol Gyfun Llangefni	Addysg	2012/13	YN MYND RHAGDDO	D/B
Ysgol Biwmares	Addysg	2012/13	YN MYND RHAGDDO	D/B
Ysgol Llanfachraeth	Addysg	2012/13	YN MYND RHAGDDO	D/B
Ysgol Kingsland	Addysg	2012/13	YN MYND RHAGDDO	D/B

<b>Cyfeiriadau</b>				
Adroddiad Cyfeirio 1 12-13	Adnoddau Dynol	2012/13	TERFYNOL	D/B
Adroddiad Cyfeirio 2 12-13	Eiddo	2012/13	TERFYNOL	D/B
Adroddiad Cyfeirio 3 12-13	Eiddo	2012/13	TERFYNOL	D/B
Adroddiad Cyfeirio 4 12-13	Gwas. Cym.	2012/13	TERFYNOL	D/B
Adroddiad Cyfeirio 5 12-13	Eiddo	2012/13	TERFYNOL	D/B
Adroddiad Cyfeirio 6 12-13	Addysg Gydol Oes	2012/13	TERFYNOL	D/B
Adroddiad Cyfeirio 7 12-13	Gwas. Cym.	2012/13	TERFYNOL	D/B
Adroddiad Cyfeirio 8 12-13	Cyllid	2012/13	TERFYNOL	D/B
Adroddiad Cyfeirio 9 12-13	Addysg	2011/12	TERFYNOL	D/B
Adroddiad Cyfeirio 10 12-13	Trafnidiaeth	2012/13	TERFYNOL	D/B
Adroddiad Cyfeirio 11 12-13	Hamdden	2012/13	TERFYNOL	D/B
Adroddiad Cyfeirio 14 12-13	Canolog	2012/13	TERFYNOL	D/B
Adroddiad Cyfeirio 15 12-13	Priffyrdd	2012/13	TERFYNOL	D/B